

tura non fuerit, servitium non debet, restatque ut A sit Deus, si non est servus : et qui famulari ratione non colligitur, dominari veritate credatur.

## X.

(Ex epistola Contra Faustum.)

Fidem esse omnium bonorum spiritualium fundamentum, etc., ut in epistola 4 (col. 221, c), usque ad testis est nostri spiritus, non natura.

## XI.

(Ex libris Contra Arianos.)

Libera responsione proflueo, quod Deo suorum animos inspirante, longe fulget claritas veritatis. Illud namque apostolicum, quod saepe repetitis, sufficit in redemptore cognosci : quia si confitearis Dominum Iesum, et quia Deus illum suscitavit a mortuis, salvus eris (Rom. x, 9). Sic tamen ut intelligatur divinitas sua cum Patre, vitam crucifixo homini reddidisse. Sicut ipse in Joanne evangelista testatur: *Potestatem habeo ponendi animam meam, et potestatem habeo iterum sumendi eam* (Joan. x, 18). Porro nequaquam salvat, de homine Christo tantummodo rectum credere, nisi jungas etiam catholicum intellectu de Divinitate sentire. Nam et Photiniani mortuum ac resuscitatum asserunt Christum. Et quoniam scelentissimam in hoc eorum blasphemiam, perinde etiam vestra ut nostrae legis sententia detestatur; si tantummodo assumptum hominem interiisse, ac sola patris virtute resuscitatum esse dicitis, queso quid in supradicta pestis professionibus arguatis, cum ipse Dominus noster, ut legitur, suo nutu suscitet templum ab adversariis dissolutum? Quod certe de quanto dicatur, in promptu est, cum reparatio templi, inter biduum, in statum pristinum revertentis resurrectionem dominice carnis quam divinitas sua templi vice habitaverat, evidenter exponat. Idem ergo Filius Dei Deus qui mori non potuit, defunctum hominem suscitavit, et templum inimicis manibus dissolutum, in unitatem personae solidata rursus divinitati quam assumpserat carne restitut.

## XII.

(Ex sermone die 2 Rogationum.)

Dicit beatissimus Paulus, quod per patientiam et consolationem Scripturarum firmam spem habere debeamus (Rom. xv, 4); cum omnes Christiani, tum specialius illi quibus datur in hoc mundo, aut pro Deo persecutionem pati, aut pro veritatis amore tribulari, aut pro vita hujus peregrinatione compungi.

## AD CORINTHIOS PRIMÆ.

I. Et ignobilia et contemptibilia mundi elegit Deus, etc.

II. Si enim cognovissent, nunquam Dominum gloriam crucifixissent.

III. Item de eodem.

IV. Spiritus enim omnia scrutatur, etiam profunda Dei.

V. Ita et quæ Dei sunt, nemo cognovit, nisi Spiritus Dei.

VI. Nescitis quia templum Dei estis, et Spiritus Dei habitat in vobis?

VII. Etenim Pascha nostrum immolatus est Christus.

VIII. Cum sine lege Dei non essem, sed in lege essem Christi.

IX. Caput autem Christi Deus.

X. Nam oportet et haereses esse, etc.

XI. Item de eodem.

XII. Deus, qui operatur omnia in omnibus.

XIII. Omnia autem haec operatur unus atque idem Spiritus, dividens singulis prout vult.

XIV. Cum tradiderit regnum Deo et Patri.

XV. Cum autem subjecta fuerint illi omnia, etc.

B XVI. Primus homo de terra terrenus, secundus de caelo caelestis.

XVII. Item de eodem.

## I.

(Ex sermone in ordinatione episcopi.)

Ad magisterii testimonium nascendi causa non pertinet; neque ille celorum janitor Petrus, quem piscatorum hominum (Matth. iv, 18) retia contempta fecerunt, origine p'acut natalium, sed sine meritorum; sicut Matthæus (ix, 9) cum de teloneo asumptus est, illuc inchoavit lucrum, ubi jussus est terminare negotium. Quid de singulis loquor? talis omnium assumptio fuit, in quorum personis (I Cor. i, 28) ignobilia et contemptibilia mundi eligens Deus, præposuit pauperes spiritu divitibus censu, illum jure locupletissimum probans, qui ad veram et integrum nobilitatem, non suspectis bonorum, sed depositis criminum fascibus pervenisset.

## II.

(Ex libris Contra Phantasma.)

Nolunt enim a nobis ei qui crucifixus est suppliari, etc., ut in epist. 3 (col. 212, a), usque ad non regem in caelo. Et mox (col. 215, c), Veni potius, sancte Isaia propheta, etc., usque ad quod in corpore malum patimur, pertulit Christus.

## III.

(Ex libris Contra Arianos.)

Dominus majestatis crucifixus exponitur, cum si alternae substantiae respicias proprietatem, divina celsitudine ab omnibus crucis contumelias sequentur, sola suscepti corporis humilitas senserit passionem. Nam postquam (II Cor. v, 19) Deus in Christo mundum reconcilians sibi, creaturæ quam assumpsit unitus est, significatur plerumque homo per Deum, Deusque per hominem, sicut est illud: *Cum venerit Filius hominis in maiestate sua* (Matth. xxv, 31), cum maiestatem Deo potius quam homini nemo convenire dubitet; quod et Psalmista de Deo exponens, *Et redditibus, inquit, in maiestate sua*. Et Malachias propheta, ob dictorum perspicuitatem Angelus cognomento, de cruciaria Domini passione. *Si affigit, inquit, homo Deum suum, quia vos configitis me* (Malach. in, 8). Cum tamen, quod nullus inficiabitur, non Deus, sed homo confixus sit.

## IV.

(Ex sermone de symbolo.)

*Audite quid veritas dicat: Nemo novit Filium nisi Pater, neque Patrem quis novit nisi Filius (Matth. xi, 27). Et si nemo assequitur hanc in sœculo isto notiam, unde Arianus assumit in substantia ipsius divisione mensuram? Si solus Pater novit Filium, solus Filius Patrem; unde dux cæcus majorem intelligit, vel minorem? An forte respondet, et si sibi notiæ hujus reservat Divinitas sola secretum, unde tu æqualem Patri Filium cognovisti? At ego inquam, paternitatem filius lequitur, omnipotentiam creatura testatur: de substantiæ autem intimo, si nemo novit Filium nisi Pater, neque Patrem quis novit nisi Filius; ubi æqualis est consilio alternante notitia, una est præcul dubio in substantiæ perfectione natura. Neque enim major aut minor est, qui nec minus nec amplius notus est. Quid nunc de Spiritu sancto dicemus, quem credere consequente symboli parte in Trinitate præcipimur? Neque enim, si Patrem et Filium sibi invicem confert ista notitia, alienus ab ea erit Spiritus sanctus, de quo scribitur quod *Spiritus omnia scrutatur, etiam altitudines Dei* (I Cor. ii, 10). Ergo non tantummodo se Pater et Filius, sed Spiritum suum norunt; cui ideo nihil omnino celatur, quia nihil sine illo in veritate cognoscitur. Quocirca sic est cognitio, sicut cooperatio Trinitatis. Nam post istud generationis divinæ mysterium, si in Christo cogitemus humana, quod celebramus Virginem peperisse, Pater misit, Filius venit, Spiritus sanctus infudit. Quapropter nec in bumbilitate minorationis absconditur claritas æquabilitatis.*

## V.

(Ex libris contra Arianos.)

*Nobis autem Deus revelavit per Spiritum suum. Spiritus enim omnia scrutatur, etiam altitudines Dei. Quis enim hominum novit quæ in homine sunt, nisi spiritus hominis qui in ipso est? Sic et quæ in Deo sunt nemo novit, nisi Spiritus Dei (Ibid., 10, 11). Rogo suppliciter, locum istum, ut pote illuminati a Deo arbitri, judicate; et utrum æqualis sit Patri vel Filio Spiritus sanctus, ex ipsa scientiæ suæ profunditate perpendite. Nemo novit Filium, nisi Pater, neque Patrem quis novit nisi Filius. Sed quia nec Pater, nec Filius, sine Spiritu aliquid novit, ideo quæ in Deo sunt nemo scit, nisi Spiritus Dei; quia nec Spiritus scire aliquid sine Patre vel Filio potest. Quid est, nemo novit præter Patrem, nemo præter Filium, nemo præter Spiritum sanctum, nisi quia in Trinitate præter unitatem nihil possumus inventare? Legimus alio loco, *Qui Filium non habet, nec Patrem habet* (I Joan. ii, 23). Itemque alio loco, *Si quis Spiritum Christi non habet, hic non est eis* (Rom. viii, 9). Quod non potest non simul totum haberi, quomodo poterit dividi?*

## VI.

(Ex sermone de Pentecoste.)

*An neccatis quia templum Dei estis, et Spiritus Dei*

*A habitat in vobis (I Cor. iii, 16)? Ecce ergo et sp̄ritus Deus est, si habitat templum, quod præter Deum nullus inhabitat. Unde inquit, *Membra vestra templum in vobis est Sp̄ritus sancti, quem habetis a Deo* (I Cor. vi, 19). Ergo si habetis a Deo Deum, et templum Dei estis, et corpus vestrum templum est Sp̄ritus sancti; quocunque non receptus fuerit Sp̄ritus, non capit Deus. Igitur cum talia dicimus, non nobis obirascantur quibus sanctum Sp̄ritum persuadere conamur: quia nisi Deus creditur, ignoro quid de præsenzi festivitate dicatur, aut quid in ejus adventu honoris hereticus excolat, quem quantum ad se est, etiam nomine servitutis inclinat: cum licet, si vos Filius liberaverit, tunc vere liberi sitis (Joan. viii, 36), ubi tamen Sp̄ritus Domini ibi libertas (II Cor. iii, 17).*

## VII.

(Ex sermone de Natali calicis.)

*Eo superstitionis ritu plectitur impietas rebellantium Judæorum, ut animal corruptibile, id est agnum, cum venerazione comedant, qui veri et immaculati Agni escam periculosissima fame contemnunt. Unde sibi videntur paschalit festi agere sacramentum, cuius hodie omnis Ecclesia initium sumit, mysterium intelligit, præmium concupiscit, quod sermo Domini discipulis suis evidenter insinuat dicens: *Scitis quia post biduum Pascha fiet* (Matth. xxvi, 2)? Aliud sonat, erit aut celebrabitur, aliud autem Pascha fiet. Numeret ergo mili Judæus, usque nunc ab exitu Israel, quantos vult annos: ceterum Pascha primum adhuc post biduum fiet, cum præteritas implens figuræ, sicut Apostolus ait, *Pascha nostrum inuolatus est Christus* (I Cor. v, 7).*

## VIII.

(Ex libris Contra Phantasma.)

*Quid vel illo Apostoli sermone lucidius, etc., ut in epistola 2 (col. 206, c), usque ad qui legem dederat in præcepto.*

## IX.

(Ex sermone de Jona.)

*Pelagus, inquit, operuit caput meum (Jon. ii, 6). Nec istud frustra de solo capite dicebat, quem absque dubio pelagus omni ex parte contexerat; sed celavit contumelia mundi Dominum cœli. Caput viri Christus, caput autem Christi Deus (I Cor. xi, 3). Velavit humilitas mea gloriam meam, et Deus (II Cor. v, 19), qui quasi caput inerat Christo mundum reconcilians sibi, ab eis qui hominem patibulo confixerant, non potuit pverideri.*

## X.

(Ex sermone 3 Rogationum.)

*Præsentis sæculi actio, dilatis causarum eventibus, omnium operum perversitate confusa, non est tempus, sed causa judicii. Da porro in præsentibus evidentem bonorum malorumque distantiam, et examini quid remansit? Da ut hic malum nulli liceat facere, quid æternitas plus habebit? Da ut hic a fide nullus exorbitet, et haereses esse (I Cor. xi, 19) qualiter oportet? Neque enim possumus dissimulare quin*

opereat quod oportere veritas clamat. Oportet vero esse haeresem, non quia ejus commentis Christus minuitur, sed quia ejus insidiis Christianus augeatur. Sic sunt etiam, praeter fornicationem quae sola in corpus proprium peccat, cætera mala, si non vestias nudum, si punitas innocentem, si rapias proximo, si parato etiam pallium cedere tunicam tollas, si malam dexteram verberes etiam lævam offerenti, si per mille passus onustum dirigas, et per alia duo servire meditantem. Aut quid diutius violentiae genera persequar? In omni imperio fortioris superbiam temporalium habet jubendi fructum, æternum vero innocentia patienti.

## XI.

(Ex libris Contra Arianos.)

Dicit Apostolus, quod oporteat haereses esse (*Ibid.*). Oportet autem, non haereticis quod sunt esse, sed catholicis sustinere quod non sunt. Sicut de Juda traditore suo Dominus dixit, quod bonum fuerat homini illi non nasci (*Matth. xxvi, 24*). Inde enim ait illi, quia suum nasci illi malum erat qui tradidit, nobis bonum, ad quos salus ex traditione prevent.

## XII

(Ex libris Contra Arianos.)

Cum apparuissent angeli in terra, clamaverunt: *Gloria in excelsis Deo* (*Luc. ii, 14*). Si Pater et Filius et Spiritus sanctus in excelsis est, bene dicimus, *Gloria Patri et Filio et Spiritui sancto*; nec possumus Patri sine Filio gloriam honoremque dare, cum ipse in Evangelio jubeat, *Ut omnes sic honorificant Filium, sicut honorificant Patrem* (*Joan. v, 23*). Et Apostolus dicit, quod nemo honorat Dominum Jesum, nisi in Spiritu sancto (*I Cor. xii, 3*).

## XIII.

(Ex epistolis Contra Arianos.)

De divinitate Spiritus sancti, quem nec factum legimus, nec genitum, nec creatum, Apostolus ait: *Deus, qui operatur omnia in omnibus* (*Ibid., 6*). Et eodem loco: *Omnia autem hæc operatur unus atque idem Spiritus, dividens singulis prout vult* (*Ibid., 11*). Et Petrus in Actibus apostolorum: *Quid convenit, inquit, inter vos mentiri Spiritui sancto* (*Act. v, 3, 4*)? Et post, *Non es mentitus hominibus, sed Deo*. Item alio loco: *Nescitis quia templum Dei estis, et Spiritus Dei habitat in vobis* (*I Cor. iii, 16*). Et alibi: *Si quis Spiritum Christi non habet, hic non est ejus* (*Rom. viii, 9*).

## XIV.

(Ex sermone de ascensi Heliæ.)

Et si multa sunt dona: *omnia tamen hæc operatur unus atque idem Spiritus, dividens singulis prout vult* (*I Cor. xii, 11*). Non in paucioribus minor, nec in majoribus amplior; per quem etiam si aliis alio minus accipit, intelligat donum potius posse minui quam donantem.

## XV.

(Ex libris Contra Arianos.)

Quia posueram de Evangelio: *Data est mihi omnis*

A potestas in caelo et in terra (*Matth. xxviii, 18*), ut potestatem illam, quam sibi diebat datam, semper in natura divinitatis suæ salvam fuisse monstrarem, commemoravi apostolicum illud quod de Filio dictum est: *Cum tradiderit regnum Deo Patri* (*I Cor. xv, 24*), cum utique Pater nullo tempore sine regno esse potuerit: nec ideo Patrem, qui potestatem Filio dedit esse majorem, cum et ipse Filius regnum Patri traditur esse dicatur. Ubi enim quis beneficio aliquid confert, jure censetur major accipiente qui donat. In divinitatem autem, ex qua quod ineffabiliter filio datur non est gratia, sed natura, restat dantis et recipientis æqualitas.

## XVI.

(Ex libris Contra Arianos.)

B Cum autem subjecta fuerint illi omnia, tunc etiam ipse Filius subjectus erit illi qui sibi subjecit omnia, ut sit Deus omnia in omnibus (*Ibid., 28*). Istud Apostolus ab octavi psalmi posuit exemplo. Sic namque scriptum est: *Minorasti eum paulo minus ab angelis; omnia subjecisti sub pedibus ejus* (*Psal. viii, 6*). Ergo ejus pedibus omnia subdit, quem paulo minus ab angelis minoravit. Nec mirum est, ut in ea creatura Patre dicatur minor, in qua ei etiam beatitudo angelica existit major.

## XVII.

(Ex libris Contra Phantasma.)

Ille solus hominis statum, etc., ut in epistola 2 (col. 207, a), usque ad quam suscepit, in inferna descendere.

## XVIII.

(Ex libris contra Arianos.)

C Apostolus Paulus ad Galatas, personæ inseparabilitatem designans, ipsum dicit natum de muliere quem misit Deus Filium suum; sicut alio loco, *Primus, inquit, homo de terra terrenus, secundus de caelo cœlestis* (*I Cor. xv, 47*); cum unus idemque mediator, de caelo Deus, homo de terra sit; qui de utero Virginis editus, ante quam cœlos ascenderet, cœlestis congrue dictus est; quia celsitudini substantiæ cœlestis immixtus, cœli Dominus factus est.

## AD CORINTHIOS SECUNDÆ.

I. Ut non possent intendere filii Israel in faciem Moysi, propter gloriam vultus ejus.

II. Item de eodem.

III. Quoniam dum sumus in corpore, peregrinamur a Domino, etc.

IV. Quoniam quidem Deus est in Christo, mundum reconcilians sibi.

V. Audivit arcana verba quæ non licet homini loqui.

## I.

(Ex sermone Natali calicis.)

Videamus comparatam Moysi et multo præcellentem, eam quæ nostri est gratiam redempioris. Nam ut nova paululum veteribus conferamus, ille ad hunc populum venit velata facie, iste operta divinitate, ille sublimitate cornutus, iste humilitate mansuetus; illius vultus radiis et decore luminosus, iugis sputis